

Upplýsingaskjal þetta tilgreinir einungis helstu atriði tryggingarinnar, s.s. hvað er innifalið og hvað ekki. **Ekki** er um að ræða tæmandi upptalningu né persónulegt yfirlit yfir tryggingar sem viðskiptavinir velja. Upplýsingaskjalið hefur ekki lagalega þýðingu og gegnir eingöngu þeim tilgangi að upplýsa viðskiptavini um helstu þætti tryggingarinnar.

Skilmálar tryggingarinnar hafa að geyma tæmandi upplýsingar um váttryggingarverndina og eru hluti af samningi aðila ásamt váttryggingarskírteini.

Hvernig trygging er Bílaleigutrygging Landsbankans?

Ferðatryggingin verndar korthafa fyrir fjárhagslegum skakkaföllum á ferðalögum. Í tryggingunni er innifalin bílaleigutrygging, kaskó- og ábyrgðartrygging.



Hvað bætir tryggingin?

Kaskótrygging bílaleigubíls

- ✓ Tjón sem verður á bílaleigubíl þar sem korthafi er skráður aðalökumaður (1 ökumaður) í eigu viðurkennds bílaleigufyrirtækis vegna eftirfarandi atvika:

a. Skemmda á ökutækinu sjálfu og eðlilegum aukahlutum þess af völdum eldinga, eldsvoða, sprenginga, árekstrar, áaksturs, veltu eða útafaksturs.

b. Vegna þjófnaðar og skemmdarverka á ökutækinu sjálfu.

Viðbótar ábyrgðartrygging bílaleigubíls

- ✓ Skaðabótakröfur sem kunna að falla á váttryggða, sem nafngreindir eru í bílaleigusamningi, ef krafan fer umfram váttryggingafjárhæð eða sjálfsábyrgð hinnar lögbundnu tryggingar.



Hvað bætir tryggingin ekki?

Kaskótrygging bílaleigubíls

- ✗ Ef váttryggður hefur ekki réttindi til að aka ökutækinu eða hefur misst réttindi til að aka því.
- ✗ Tjón vegna kappaksturs, aksturskeppni, reynsluaksturs eða æfinga fyrir slíkan akstur.
- ✗ Akstur þar sem bannað er að aka ökutæki, akstur utan vega t.d. á túnum, engjum, á ís, yfir óbrúaðar ár eða læki eða um aðrar vegleysur.
- ✗ Notkun ökutækis sem brýtur í bága við skilmála bílaleigusamnings og ákvæði skilmála.
- ✗ Skemmdir vegna efnisgalla, hönnunargalla, smíðisgalla, viðgerðargalla eða bilunar ökutækisins.
- ✗ Tjón vegna eðlilegs slits eða ófullnægjandi viðhalds bílaleigubílsins.

Almennar takmarkanir á bótaskyldu

- ✗ Undanskildar eru þær áhættur sem bílaleigusamningurinn hefur að geyma.
- ✗ Líkams- og eignatjón þeirra sem tryggðir eru skv. tryggingu þessi.
- ✗ Skaðabótakröfur í refsingsskyni eða öðrum til varnaðar.
- ✗ Neinna skuldbindinga sem váttryggður kann að vera gerður ábyrgur fyrir skv. lögum um bætur til verkamanna, vegna atvinnusjúkdóms, atvinnuleysisbóta eða örorkubóta eða svipuðum lögum.
- ✗ Bótaskyldu tryggðs sem beint eða óbeint rís af, á sér stað vegna eða er afleiðing styrjalda, innrásar, athafna erlendra óvina, hernaðarástanda (hvort sem stríði hefur verið lýst yfir eða ekki), borgarastyrjalda, uppreisnar, byltingar, uppþots, valdatöku hers eða annarra aðila, upptöku eigna eða þjóðnýtingar, valdboðskröfu, eyðileggingar eða skemmda á eign af hálfu eða að skipun hvaða ríkisstjórnar eða yfirvalda sem er á landsvísi eða í héraði.

- ✗ Líkams- eða eignatjóns vegna flutninga, geymslu, meðhöndlunar, dreifingar, sölu eða ráðstöfun asbestefna, varnings eða vara sem innihalda asbestefni.
- ✗ Líkams- eða eignatjón vegna framleiðslu, meðhöndlunar, dreifingar, sölu, beitingar, neyslu eða notkunar einhverra vara sem vitað er að innihalda fjöklórað bifeníl eða sem innihalda afleidd fjöklóruð bifenílefni eða sem í efnaiðnaði er almennt vitað að byggi á líkri formúlu eða virkni, án tillits til þess undir hvaða nafni vörunar eru framleiddar, seldar eða þeim dreift.
- ✗ Tjón sem beint eða óbeint leiðir af bifreiða- og vélafþróttum eða notkun vélhjóla, hvort sem váttryggður er ökumaður eða farþegi.



Eru einhverjar takmarkanir eða varúðarreglur?

- ! Váttryggðum ber að fylgja varúðarreglum Varðar.
- ! Váttryggðum ber að gæta þess vandlega að fyrirbyggja eftir megni slys.



Hvar gildir tryggingin?

Váttryggingin gildir á á ferðalögum erlendis í allt að 31 dag á 90 daga ferðatímabili. Nánari upplýsingar um gildissvið má finna í skilmála tryggingarinnar.



Hverjar eru skyldur hins tryggða?

- Veita allar nauðsynlegar upplýsingar, hvort sem er við endurnýjun, breytingar á tryggingunni eða við tjónstilkynningu.
- Tilkynna ber félaginu þegar í stað um slys eða hvers kyns önnur atvik sem kunna að leiða til kröfu á félagið.
- Sjúkrareikningar skulu berast innan tólf mánaða frá váttryggingaratburði.
- Tilkynna um tjón við fyrsta hentugleika og eigi síðar en innan árs frá tjónsatburði.
- Gera þær ráðstafanir sem eru nauðsynlegar til að sanna að tjónsatburður hafi átt sér stað. T.d. skal hinn tryggði tilkynna viðeigandi yfirvöldum um þjófnað, rán eða innbrot og fá skýrslu þar um.



Hvenær og hvernig er greitt fyrir trygginguna?

Iðgjald tryggingarinnar er innifalið í árgjaldi kortsins. Vátryggður greiðir því ekki sérstakt iðgjald til Varðar.



Hvenær hefst vátryggingarverndin og hvenær lýkur henni?

Vátryggingin gildir út gildistíma kortsins.



Hvernig er tryggingunni sagt upp?

Þar sem Landsbankinn er vátryggingartaki getur vátryggður, þ.e. korthafi, ekki sagt tryggingunni upp með hefðbundnum hætti.